



册府元龜

卷之二百九十九
至三百一



13
849
99



849
99



册府元龜

淮南李嗣京叅閱

西極文翔鳳訂正

豫章黃國琦較釋

宗室部

專恣

害賢

禍敗

專恣

傳曰專命則不孝書曰縱敗禮斯皆惡之大者焉若無聯暉帝裔託體皇極宜乎念肺附之重遵磐石之訓保厥土宇作為屏翰其有忘戒策之訓背師傳之

教窮滋味之好極游觀之美味稼穡之理重私嬖之欲以至不式王命廢亂典嘗虐用下民暱愛近習殘賊不道崇侈無厭干有司之議抵王者之禁至於幽廢誅削而不悔焉於戲魯哀有言謂罔知乎憂懼仲尼立教俾深戒乎性習者良可述夫

漢陽丘侯偃景帝曰年坐出國界削為司寇嘗山憲王舜景帝特驕淫數犯禁

膠西于王端數犯法漢公卿數請誅之景帝弗忍而端所為滋甚廬江王賜以邊越使使相交

邊越者邊界與越相

濟川王明武帝建元三年坐煞中傳廢遷房陵

濟東王彭離武帝時坐煞人廢徙上庸

臨江愍王榮坐侵廟墾地為宮煞自黜

江陽侯仁宣帝元康元年坐役使附落免

祝茲侯延年棄印綬出國免

廣陵厲王胥動作無法度

南陵侯慶坐為沛郡太守橫恣罔上下獄疾死

長沙刺王建德宣帝時坐獵縱火燔民九十六家煞

二人以縣官事怨內中數人誣告以棄市罪削入縣

廣川王去本始三年坐悖虐聽后昭信讒言燔燒烹

煮生剖剝人距師之諫煞其父子凡煞無辜十六人至一家母子三人廢徙上庸去道自殺

東平思王宇元帝初就國壯大通姦犯法

後王楚王英光武建武十五年封英少時好游俠交通賓客

東海靜王政明帝時中山簡王薨政詣中山會葬私取簡王姬徐妃又盜迎掖廷出女豫州刺史魯相奏請誅政有詔削薛縣

濟南安王康在國不循法度交通賓客後人上書告

康招來州郡姦猾漁陽顏忠劉子產等又多遺其綿

緡帛按圖書謀議不軌事下考案削五縣

趙惠王乾安帝時坐白衣出司馬門削中丘縣王官門

兵衛亦為司馬門東觀記曰乾私出國到魏郡鄭易陽止宿亭令奴金孟取亭席金與亭佐孟嘗爭言世刃傷嘗部吏追逐乾藏逃金絞殺之懸其屍道邊樹相國舉奏詔書削中丘縣

河間惠王政傲恨不法奉憲順帝以沈景為相國謁

王王不正服箕踞詔書讓政

魏任城王楷坐私遣官屬詣中尚方作禁物削縣二

千戶

臨淄侯植嘗乘車行馳道中開司馬門出太祖大怒彭城王據明帝景初元年坐私遣人詣中尚方作禁

物削二千戶

東平靈王徽青龍二年使官屬撾壽張縣吏為有司所奏詔削縣一戶五伯

趙王乾私通賓客有司所奏

東海定王霖性麤暴閨中之內婢妾之間多所殘害吳齊王奮居武昌廢帝初諸葛恪不欲諸王處濱江兵馬之地徙奮於豫章奮怒不從命又數越法度晉竟陵王茂都督兖州刺史在州徵求不已郡縣不堪命

東安王繇誅楊駿之際屯雲龍門兼統諸軍是日諸

賞三百餘人皆自繇出東夷較尉文傲父欽為繇外

祖諸葛誕所殺繇慮傲為舅家之患是日亦以非罪

誅傲

彭城王玄會庚戌制不得藏戶玄匿五戶相溫表玄犯禁收付廷尉而宥之

通吉亭侯勳領西戎較尉為政暴虐至於治中別駕及州之豪右言語忤意即於坐臬斬之或引弓自射

西土患其凶虐

譙郡王文思性凶暴多殺弗辜好獵燒人墳墓數為有司所糾

會稽思世子道生性疎躁不修行業多失禮度竟以
幽廢而卒

宋彭城王義康以大將軍領司徒辟召掾屬義康素
無術學闇於大體自謂兄弟至親不復存君臣形迹
率心逕行曾無猜防私置僮部六千餘人不以言臺
四方獻饋皆以上品薦義康而以次者供御文帝嘗
冬月噉柑歎其形味並劣義康在坐曰今年柑殊有
佳者遣人還東府取大柑大供御者三寸

竟陵王誕文帝子孝武性多猜頗相疑憚而誕造立
第舍窮極工巧園池之美冠於郡縣多聚才力之士
實之第內精甲利器莫非上品

武昌王渾少王而凶戾嘗出石頭怨左右人技防身
刀斫之後爲中書令裸身露臂往散騎戲因彎弓射
通直郎周朗中其枕爲笑樂出爲雍州刺史至鎮與
左右人作文檄自號楚王號年爲允光元年備置百
官以爲戲笑

海陵王休茂性急疾欲自專司馬庾深之美禁之嘗
懷忿恚

南郡王義宣鎮荊州十年兵強財富既首創大義威
名著于天下凡所求欲無不必從朝廷所下制度意

所不同者一不遵承嘗與孝武酒先自酌飲封送所餘其不識大體如此

江夏王義恭鎮彭城魯郡孔子舊廟有栢樹二十四株經歷漢晉其大連抱有二株先倒折士人崇教莫之敢犯義恭悉遣人伐取父老莫不歎息後為大宰錄尚書事領丹陽尹侍中義恭遊行或三五里孝武恣其所之東至吳郡登虎山又登無錫縣烏山以望太湖

晉平王休祐狼戾強梁前後許明帝非一在荊州時左右范景達善彈碁帝召之休祐留不遣怒詰責之

曰汝剛房如此豈為下之義

南齊廬陵王子卿為荊州刺史在鎮營造服飾多違制度遷南豫州刺史之鎗道中戲部伍為水軍武帝聞之殺其典籤徵還

魚復侯子響初為輔國將軍豫章王疑無子養子響既出繼車服異諸王每入朝忿怒拳打車壁後為荊州刺史數在齋內殺牛置酒與左右聚樂令內人私作錦袍絳襖欲餉蠻交易罷伏

南康王方泰為都督豫章郡諸軍事豫章內史在郡不修民事秩滿之際屢於部曲為劫又縱火燒邑居

因行暴虐代至又淹留不還

梁邵陵王綸爲揚州刺史綸素驕縱欲盛罷服遣人就京賒買錦綵絲布數百疋擬與左右職局防閭爲降衫內人帳幔百姓趾關閉邸居不出臺續使少府市綵經時不能得勅責府丞何智通具以聞因被責還第嘗遣心腹馬客戴子高戴爪李撒趙智英等於路尋日智通於白馬巷逢之以槊刺之刃出於背智通以血書壁作邵陵字乃絕遂知之武帝懸錢百萬贖賊有西州遊軍將宋鵠子條姓名以啓勅遣舍人諸曇祭領齊伏五百人圍綸弟於內人檻中禽爪撒

智英及子高子高驍勇踰牆突圍遂免與等智通下敝之割炙食之卽戴出新亭四面火炙之焦熟敝車載錢設鹽蒜顧百姓撒一嚮賞錢一千徒黨并毋肉遂盡綸錄在弟舍人諸曇祭并主帥領伏身守視免爲庶人

豐城侯泰爲譙州刺史江北人情獷強前後刺史竝綏撫之泰至州便遍發人丁使擔腰與扇繖等物不限士庶耻爲者重加刑多輸財者卽放免之於是人皆思亂及侯景至人無戰心乃先覆敗

後梁河間王冬位至太尉性簡貴及後王嗣位自以

望重屬尊頗有不法

陳武陵王伯禮爲雲旗將軍持節都督吳興諸軍事
吳興太守在郡恣行暴掠駐驛民下逼奪財貨前後
委足百姓患之

始興王叔陵爲揚州刺史治在東府事務多關治省
閭執事之司承意順旨卽諷上進用之微致違忤必
抵以大罪重者至殊罪死道路籍籍皆言其有非嘗
志

長沙王叔堅爲驃騎將軍時後主患瘡不能視事政
無大小悉委叔堅決之於是勢傾朝野叔堅因肆驕

縱事多不法

會稽王莊性嚴酷年數歲左右有不如意輒剗刺其
面或加燒爇

後魏清河王紹道武長子兇狠險悖不遵教訓好輕
遊里巷刼剝行人斫射大豕以爲戲樂

樂良王萬壽孫長命襲爵坐殺人賜死國除長命子
忠文成時復爵爲太常少卿帝泛舟天泉池忠著紅
羅襦繡作領碧袖袴錦爲緣帝謂曰朝廷衣冠庶有
嘗式何爲着此百戲衣忠曰臣少來所愛情存綺羅
歌衣舞服是臣所願帝曰人之無良有至於此

安樂王爲定州刺史頓辱衣冠多不奉法百姓詣闕
訟之孝文罰杖三十

廣陽王深孝明帝時爲嘗山刺史在州多所受納政
以宥戚私家有馬千匹者必取百匹以此爲常

濟陰王誕爲齊州刺史在州貪暴太爲人患牛馬騾
驢無不逼奪家之奴隸悉迫取良人爲婦有沙門爲
誕採藥還見誕問外消息對曰惟聞王貪願王早代
誕曰齊州七萬家吾來一家未得三十錢何得言貪
元麗爲雍州刺史爲政嚴酷其妻崔氏誕一男麗遂
出州獄死囚及徒流案未申臺者一時放免

元又先納靈太后妹爲宗室孝明帝初太后朝父爲
侍中領軍旣在門下兼撫禁兵深爲靈太后所信委
太傅清河王懌以親賢輔政叅決以機事又恃寵驕
盈志欲無限懌裁之以法又輕其爲人每欲斥黜之
令黃門胡度等誣告懌置毒藥御食中殺之假爲靈
太后辭遜之詔又遂與太師高陽王雍等輔政竊宜
禁中孝明呼爲姨夫自後專總機要巨細決之威振
於內外自餘重跡相州刺史中山王熙抗表起義以
討父爲明不果見誅又尋前衛將軍餘如故靈太后
與孝明讌於西林園日暮還宮右衛將軍奚康生復

欲圖又不克而誅是後孝明徙御徽音殿又亦入右殿右旣在密近曲盡佞媚以承上旨遂蒙寵信出入禁中嘗令勇士持刀劍自先後公私行止彌加威防又於下秋門外殿下施木闌檻有時出入止息其中腹心防守以備竊發人物來見者遙對之而已自劉騰死後防衛微緩兵又頗亦寬時宿於外每日出遊畧連他邑靈太后後察知之又積習生嘗無復慮其所親諫又亦不納

元謚除大司農卿遷幽州刺史謚妃胡氏靈太后從女也坐歐其妃免官後除都官尚書車駕出拜圓丘禮與妃乘赤馬犯鹵簿爲御史所彈靈太后特不問元和爲東郡太守先是郡人孫天恩家豪富嘗與和爭地遣奴客打和垂死至此和誣天恩與北賊來往父子兄弟一時俱戮資財田宅皆沒官天恩宗族欲詣闕訴寃以和父之親不敢告列

清河王懌弟悅爲侍中太尉臨拜日就懌子璽求懌服玩之物不時稱旨乃置杖之百下北齊上黨王渙與嘗山王渲等築伐惡諸城遂聚鄴下輕薄凌犯郡縣爲法司所糾文宣戮其左右數人渙亦被譴

安德王延宗爲定州刺史以囚試刀驗其利鈍驕縱多不法

隴西王紹廉兄紹義爲清郡尹未及理事紹廉先往喚囚悉出率意決遣之

唐袁巨卿王神符爲揚州都督少威嚴不爲部下所肅後因入朝多將公廨錢帛以供私費又令所在親昵統軍知府審事太宗謂神符曰公廨府官供有多取豈廉潔耶且都督入朝在府長史以下官屬備具何緣別任武人以爲畱守然以戚屬不之罪也

漢王元昌爲梁州都督在州頗爲憲法太宗守勅責

之務不自咎更懷怨望

滕王元嬰高宗時爲金州刺史驕縱逸遊動作失度帝與書誡之後爲洪州都督又數犯憲章

蜀王愔爲岐州刺史愔嘗非理歐擊所部縣令又瞰獵無度數爲非法

越王貞高宗時歷揚州刺史都督相州刺史安州都督所在驕狎群小聽受纒言官僚有正直者多被貶退又放恣奴客侵暴部人繇是皆鄙其行

梁嗣廣王友諒繼歷藩郡多行不法

後唐秦王從榮爲大元帥從榮乃請以嚴衛捧聖步

騎而指揮爲秦府衙兵自每入朝以數百騎從行出則張弓挾矢馳騁盈卷旣受元帥之命卽令其府屬僚佐及四方遊士各試機淮南書一道陳已將廓清宇內之意初言事者請爲親王置師傅明宗顧問近臣執政以從榮各勢旣隆不敢忤旨卽奏云王官宜委從榮乃奏刑部侍郎劉贊爲王傅又奏翰林學士崔稅爲元帥府判官明宗曰學士代子詔令不可擬議從榮不悅退謂左右曰旣付以元帥之任而阻予請僚佐又未諭制旨也復奏刑部侍郎任贊從之

害賢

古者庶子之官實掌公族教之以孝悌申之以睦然後邦國有倫而衆嚮方矣夫本支之戚暱莫加焉茅土之祿厚莫重焉榮祿寵章暉其顧盼膏粱統綺充其嗜好有能富而知禮高而思危固因睦之親識爲善之樂者蓋云鮮矣矧自王政不綱懿親道廢麟趾之風缺棣華之賦興小則席寵寢深恣陵蕩之志大則分封踰盜萌負恃之心至使正士抗辭假尋斧於遺論忠臣發忿翦滋蔓於禍基裁正所申觖望斯作惡宜醜正怨天尤人苟慘毒之所加殆夷滅而無類禍敗之始嘗必繇之是用徵彼舊聞列其行事覆

車之軌昭然可觀

漢梁孝王武與景帝皆竇太后所生景帝廢栗太后太子心欲以梁王為嗣大臣及韋益等有所聞說於帝太后議格音問孝王不敢復言太后以嗣事後立膠東王為太子梁王怨益及議臣乃使羊勝公孫詭之屬謀陰使人刺殺韋益及他議臣十餘人

吳孫綝堅弟靖之曾孫為侍中武衛將軍領中外諸軍事廢帝太平二年朱異假節為大都督救壽春圍

不解還軍為綝所枉害

吳祿載綝要異相見釋往乃陸抗止之異曰予通家人耳

當何所疑乎遂往綝使力人於坐上取之異曰我吾國忠臣有何罪乎乃指殺之

晉齊王冏惠帝時為大司馬以順陽人王豹為王簿

冏驕失天下心豹致牋於冏詞甚切直冏令曰得前

後白事具事輒別思也會長沙王又至於冏察上見

豹牋謂問曰小子離間骨肉何不銅馳下投殺冏既

不能嘉豹之策遂納又言乃奏豹曰臣念姦凶肆逆

皇祚顛墜與成都長沙新野共興義兵安復社稷唯

欲戮力皇家與親親宗室腹心從事此臣宿夜自誓

無負神明而王簿王豹比有白事敢告異端謂臣忝

備宰相必遭危害慮在一旦不祥之聲可躡足而待

欲臣與成都分陝為伯盡出藩王上誣聖朝鑒御之

威下畏妖惑疑阻衆心噂嗜背增巧賣兩端訕上謗
下讒內間外邁惡導奸坐生猜嫌昔孔丘佐魯而誅
少正子彥相鄭先戮鄒析誠以交亂名寔若趙高詭
恠之類也豹爲臣不忠不順不義輒勅都街考竟以
明邪正豹將死曰懸吾頭大司馬門見兵之攻齊也
衆庶寃之又奏殿中御史桓豹奏事不先經囹府郎
考竟之於是朝廷側目海內失望矣

楚王瑋武帝子也初衛瓘爲太保錄尚書事與汝南
王亮共輔朝政亮奏遣諸王還藩與朝臣廷議無敢
應者唯瓘贊其事瓘繇是憾焉賈后素怨瓘且忌其

方直不得騁已淫虐又聞瓘與瑋有隙遂謗瓘與亮
欲爲伊霍之事啓惠帝作手詔使瑋免瓘等官黃門
齋譖授瑋瑋性輕險欲騁私怨夜使清河王遐收瓘
左右疑遐矯詔咸諫曰禮律刑名台輔大臣未有此
比且請距之須自表得報就戮未晚也瓘不從遂與
子嘗嶽裔及孫等九人同被害

趙王倫宣帝子也惠帝時諂事賈后裴頠甚惡之倫
數求官頠與張華復固執不許繇是深爲倫所怨倫
又日懷篡逆欲先除朝望因廢賈后之際遂與華同
被誅時年三十四二子嵩該倫亦欲害之梁王彤東

海王越稱顓父秀有勲王室配食太廟不宜滅其後嗣故不得死又解系爲雍州刺史楊烈將軍西戎校尉會氏羗叛時倫爲征西將軍系與倫討之倫信用佞人孫秀與系爭軍事更相表奏朝廷知系守正不撓而召倫還系表殺秀以謝氏羗不從倫秀譖之系坐免官以白衣還第閉門自守及張華裴頠之被誅也倫秀以宿憾攸系兄弟梁王彤救系倫怒曰我於水中見蟹且惡之况此人兄弟輕我耶此而可忍孰不可忍彤苦爭之不得遂害之并戮其妻子

河間王顓鈞關中皇甫重爲秦州刺史重弟商爲長

沙王乂參軍顓將李含先與商重有隙每御之及此說顓曰商爲乂所任重終不爲含用宜急除之以去一方之患可表遷重爲內職因其經長安乃執之重知其謀乃露檄上尚書以顓信任李含將欲爲亂召集隴上士衆以討含爲名乂以兵革累與今始寧息表請遣使詔重罷兵徵含爲河南尹含旣就徵重不奉詔顓之金城太守游楷隴西太守韓雅等四郡兵攻之成都王穎與顓起兵共攻乂以討后父尚書僕射羊玄之及商爲名乂以商爲左將軍河東太守領萬餘人於缺門距張方爲方所斫顓軍遂進乂旣屢

敗乃使商間行齋帝手詔使游楷盡罷兵令重進軍討顥商行過長安至新平遇其從甥素憎商以告顥顥捕得商殺之又旣敗重猶堅守閉塞外門城內莫知而四郡兵築土山攻城重輒以連弩射之所在爲地窟以防外攻權變百端外軍不得近城將士爲之死戰顥之不可攻乃上表求遣御史宣詔諭之令降重知非朝廷本意不奉詔獲御史騶人問曰我弟將兵來欲至未騶云已爲河間王所害重失色力殺騶於是城內知無外救遂共殺重

東海王越惠帝幸長安河間王顥欲挾天子令諸侯心將越兵奉迎天子以太弟中庶子繆播爰時故吏委以心膂播從弟右衛率裔之前妃之弟也越遣播裔詣長安說顥令奉帝還維約與顥分陝爲伯播裔素爲顥所敬信旣相見虛懷從之顥將張方自以罪重懼爲誅首謂顥曰今據形勝之地國富兵強奉天子以號令誰敢不服顥惑方所謀猶豫不決方惡播裔爲越游說陰欲殺之播等亦慮方爲難不敢復言時越兵鋒甚盛顥深憂之播裔乃復說顥急斬方以謝可不勞而安顥從之於是斬方以謝山東諸侯顥後悔之又以兵距越屢爲越所敗帝反舊都播亦從

大弟還維契闊艱難深相親狎及太弟卽帝位是爲懷帝以播爲給事黃門侍郎俄轉侍中徙中書令任遇日隆專管詔命時越威權自己帝力不能討心甚惡之以播裔等有公輔之量又盡忠故委以心膂越懼爲已害因入朝以兵入宮執播等於帝側帝歎曰奸臣賊子無世無之不自我先不自我後哀哉起執播等手涕泗獻歎不能自禁越遂害之朝野憤恠咸曰善人國之紀也而加虐焉其能終乎及越薨帝贈播衛尉祠以少牢

成都王穎旣以陸機爲將時官人孟玖弟超並爲穎所嬖寵超領萬人爲小都督未戰縱兵天掠機錄其王者超將鐵騎百餘人直入機麾下奪之穎謂機曰豹奴能作督不機司馬孫極勸機殺之機不能用超宣言於衆曰陸機將反又還書與玖言機持兩端軍不速決及戰超不受機節度輕兵獨進而沒玖疑機殺之遂譖機於穎言其有異志將軍王闡郝昌公師藩等皆玖所用與牽秀等共證之穎大怒使秀密收機將害陸雲江允蔡克力諫穎遲迴者三日慮志又曰皆趙王殺中護軍趙凌赦其子驥驥諱明公而擊趙卽前事也蔡克入至穎前叩頭流血曰雲爲孟玖

所怨遠近莫不聞今果見殺罪無彰驗將令群心疑
惑竊爲明公惜之僚屬隨克入者數十人流涕固請
穎側然有宥雲色孟玖扶穎入催令殺雲後東海王
越討穎移檄天下亦以機雲兄弟枉害罪狀
會稽世子元顯會稽王道子之子也車武子爲吏部
尚書元顯有過武子與江績密言於道子將奏之事
泄元顯逼令自裁俄而武子卒朝廷傷之
梁武陵王紀僭號于蜀司馬王僧暉直兵參軍徐忸
並同諫紀以爲貳於已皆殺之

後魏裴嘗山王素孫昭孝文時爲殿中郎坐事停廢

宣武時昭從弟暉親寵用事稍遷左丞孝明卽位于
忠執政昭爲黃門侍郎又曲事之忠專權擅威杵陷
忠賢多昭所指導

唐齊王祐太宗第五子祐不率憲章屢爲非法太宗
以權萬紀爲能轉齊王長史祐旣暉近群小畋遊無
度萬紀驟諫不聽內懷憂憤乃條列祐罪因脇令表
首祐懼而從之遣萬紀通表太宗遂厚賞萬紀而深
責於祐萬紀還祐太怒曰長史賣我也勸我令首而
自以爲功必且殺之決心耳會祐以萬紀奏而被追
群小不逞因而扇祐遂加害焉韋文振性質重初以

較尉從太宗征伐及祐出閣太宗以文振書在左右
謹宜選授祐府典軍祐令專典馬妨欲寄心腹文振
每事進諫祐所不納卽詣萬紀論之祐內深忿疾而
外且任使及殺萬紀日文振有縱轡馳走追行數里
被箭不能復前因而遇害

禍敗

孽惟自作無可逭之理命或凶折亦威用之數載諸
方策昭然可見若乃居茂親之地膺夾輔之重亦僻
中積狂悖外恣或因緣間隙潛蓄於異謀或壞亂紀
法卒成於大愆乃有災祥豫見殃咎隨作以身覆族

貽諸終古以至非辜告逝發憤自殞者咸用編次焉

漢梁懷王揖文帝少子也五年一朝凡再入朝因墮
馬死無子國除

梁孝王武景帝弟竇太后少子也栗太子廢太后心
欲以梁王爲嗣袁盎等有所關說於景帝太后議格
也 荅王 梁王怨袁盎謀陰使人刺殺袁盎帝繇此益疏
王王歸國意怒怒不樂此獵梁山有獻牛足出背上
孝王惡之六月中病熱六日薨

臨江王榮孝景之子也坐侵廟墻地爲官帝徵榮榮
行阻於江陵北門旣上車軸折車廢江陵父孝流涕

竊言曰吾王不反矣榮至詣中尉府對簿中尉邳都
薄責許王王恐自殺

廣陵厲王胥武帝子也昭帝時見帝年少無子有覬
欲心而楚地巫鬼使天下神祝詛及宣帝卽位胥復
使巫祝詛如前胥宮園中棗樹生十餘莖莖正赤葉
白如池水變赤魚鼠之怪甚可惡也居數月祝詛事發
南等曰棗水魚鼠之怪甚可惡也居數月祝詛事發
覺有司按驗胥惶恐以綬自殺

燕刺王旦武帝子也昭帝立旦遂招來郡國奸人賊
歛銅鐵作甲兵數閱其車騎材官卒連旌旗鼓車旄

頭

與
同

郎中侍從者著貂與黃金附蟬皆號侍中令

群臣皆裝是時天雨虹下屬宮中飲井水井水竭廁
中豕群出壞大宮竈烏鵲鬪死鼠舞殿端門中殿上
戶自閉不可開天火燒城門大風壞宮城樓折拔樹
水流星下墮后姬以下皆恐王驚疾王客呂廣等知
星爲王言當有兵圍城期在九月十月王愈憂恐天
天子使使者賜燕王璽書且得書卽以綬自殺
東平陽王雲宣帝子東平思王之子也哀帝時無鹽
危山土自起覆草如馳道狀又報山石轉立雲及后
謁自右所祭之治石象瓠山立石東倍草并祠之

黃倍草也

建平三年息夫躬孫寵等其因幸臣董賢等告之是時哀帝被疾多所惡事下有司建王后謁下獄驗治言使巫傳恭婢合歡等祠祭祀詛上為雲求為天子雲又與知災異者高尚等指星宿言上疾必不愈雲當得天下石立宣帝起之表也有司請誅王有詔廢徙房陵雲自殺謁棄市

晉趙王倫僭卽位親祠太廟遇大風飄折麾蓋時有雉入殿中自太極東階上殿驅之更飛西鐘下有項飛去又倫於殿上得異鳥問皆不知名累日向夕宮西有素衣小兒言是服劉烏倫使錄小兒并鳥閉置

牢室明且開視戶如故並失人鳥所在倫目上有瘡時以為妖焉後齊王冏河間王顥成都王穎起兵討倫倫軍敗惠文反正賜倫死

齊王冏為大司馬輔政長沙王乂發兵攻冏府擒冏斬於閭闔門外初冏之盛也有一婦人詣大司馬府求寄產吏詰之婦人曰我截齊便去耳識者聞而惡之又謠曰著布袒腹為齊持服俄而冏誅長沙厲王乂武帝第六子也齊王冏專權乂起兵相攻冏敗斬之成都王穎遣刺客圍乂又殺之乂前後破穎軍斬獲六七萬人戰久糧乏城中大饑東海王

越收又送金墉城頴炙而殺之初又執權之始維下
謠曰草木萌芽殺長沙又以正月二十五日廢二十
七日死如謠言焉

南齊南康王子夏武帝第二十三子初武帝夢金翅
鳥下殿庭搏食小龍無數乃飛上天明帝時其夢乃
驗明帝誅武帝諸子唯臨賀王子岳及弟六人在後
帝每嘆曰我及司徒諸兒子皆不長高武子孫日長
大永泰元年誅子岳等子夏最幼被誅時年七歲

衡陽王遙光太祖長兄衡陽王道度之子也時帝建
武中進號撫軍將軍帝以親近置少憎忌高武子孫

欲並誅之遙光畫計叅議河東王鉉等七王見殺遙
光意東昏卽位遙光懼稱疾不復入臺先覺遙光行
還入城風飄儀繖出城外遙光慮見殺乃起兵戰不
利還小齋帳中着衣恰坐秉燭自照令人反拒齊閣
皆重關左右竝踰屋散出臺軍王劉國寶時當伯等
先入遙光聞外兵至吹滅火扶卽下床軍人排閣入
於閣中牽出斬首遙光未敗一日城中皆夢群蛇緣
城四出各共說之咸以爲異

後魏樂平王丕明元之子也後坐事以憂死丕之薨
及日者董道秀之死也高允遂著筮論曰昔明元未

起白臺其高二十餘丈樂平王嘗夢登其上四望無
所見王以問日者董道秀筮之曰大吉王默然有喜
色後事發王遂憂死而道秀棄市

南安王楨為相州刺史孝文太和二十年五月至鄴
入城日暴風大雨凍死者十餘人楨又以旱祈雨于
群神鄴城有石虎廟人奉祀之楨告虎神像云三日
不雨當加鞭罰請雨不驗遂鞭像一百是月疽發背

薨

北齊瑯琊王儼武成第二子也後主武平二年出儼
居此宮五日一而儼遂率京畿軍士三千人屯千秋

門帝率宿衛至千秋門欲追殺之儼徒駭散帝拔儼
帶刀環亂築儼頭良久乃釋之儼之未獲罪也鄴北
城有白馬佛塔是石季龍為澄公所作儼將修之巫
曰若動此浮圖北城失主不從破至第一級得白蛇
長數丈回旋失之數旬而敗

廣武王長弼少名阿伽性麗武出入城市好毆擊行
路時人皆呼為阿伽郎君後為營州刺史在州無故
自驚走叛入突厥竟不知所死

隋齊王暕煬帝子也妃韋氏早卒暕遂與妃婦元氏
婦通遂產一女外人皆不得知陰引喬令則於弟內

酣宴令則稱慶脫矐帽以爲歡樂召相工令遍視後庭相工指妃婦曰此產子者當爲皇后王貴不可言時國無儲嗣矐自謂次當得立又以元德太子有皇子內聳不安陰挾左道爲厭勝之事事旣發帝大怒斬令則等數人妃婦賜死矐自是恩寵日衰從帝在江都宮元會矐具法服將朝無故有益從裳中而下又坐齋中見群鼠數十至前而死視皆無頭尋爲字文化及亂兵所殺

唐燕王忠高宗長子爲梁州都督轉房州刺史年漸長大嘗恐不自安或私衣婦人之服以備刺客又數有妖夢嘗自占卜事發廢爲庶人

梁友寧太祖之姪也爲嶺南西道節度使友寧督諸軍進逼管丘月餘不能拔與青人戰于石樓王師小却友寧旁自峻阜馳騎以赴敵所乘馬蹶而仆遂沒於陣友寧將戰之前一日有大白蛇磻於帳中友寧心惡之遇害焉

冊府元龜

淮南李嗣京參閱

西極文翔鳳訂正

豫章黃國琦較釋

外戚部

總序

夫帝王之臨御區宇賢戚並用莫不有外親之助焉
故后之父母列於三恪異姓伯叔紀於春秋築外館
者異其禮章褒元舅者垂於雅什毋妻有其黨所以
叙於人倫姻婭相謂于以重於古訓而况席九五之

勢當司牧之重內既本乎敦叙外亦資其左右太史公稱秦以前略矣靡得而紀焉漢氏之始非有功不侯中葉之後率用推恩之典封爵之數優被外屬班固作表以志其事東漢之世國紀數絕六后稱制委事父兄竝居權要極其貴寵鼎國典午洎乎南北以迄於五代莫不因緣宮掖列居爵位其有總鈞樞之重握兵戎之政內侍帷幄參預謀議外臨征鎮式遏方面命數崇大寄任隆異藉親昵之要當倚屬之重富貴既極驕侈不期而自臻名勢既雄中外嚮風而胥附其或躬明哲之美秉謙抑之操深懷兢惕以戒

乎泰盛動守清素以革乎侈心含忠履潔特表乎純亮折節下士姑務於延納敦尚儒術擅稽古之稱周旋諫諍厲匪躬之節以引翼爲已任而薦用賢能以雍睦治家庭而綏和宗黨望實兼著操行特出以至內使寅亮之績而紀律用彰叅議小大之務而謀猷允協外宣保彰之效而民夷是賴克揚威武之烈而勲庸以立名在載籍事先表聽其或貪墨無已陸梁自恣窮豪縱而無檢恃驕肆而費恭殘賊忠賢懷蓄奸詐小則被譴讓之耻大則致夷滅之咎禍福之至召之惟人吉凶之報發乎所履豈謬也哉漢制以列

侯尚公主魏晉之尚主者皆拜駙馬都尉歷代遵之
其淑慝之跡咸附於此凡外戚部二十有三門

選尚

昔者堯以二女嬪于虞周以太姬配胡公蓋王姬之
下嫁由古道也秦漢而降以選尚爲重義取於承配
勢極於崇盛曷嘗不慎擇世胄叅求雋望或奮勛之
族隆象賢之美或貴戚之懿篤因親之好自魏晉之
後著之班籍預國婚之選者悉加駙馬之拜爵品通
貴榮寵兼極自非履謙而思義共泰而處約者亦曷
能克終而無咎哉

漢張敖趙王耳子也耳薨敖嗣尚高祖長女魯元公
主

周勝太公主子也尚文帝女

陳午堂邑侯則曾孫也尚文帝女館陶公主嫖

曹壽相國參之後嗣平陽侯尚景帝女陽信公主是
爲平陽主後大將軍衛青旣尊貴而壽有惡疾就國
公主問列侯誰賢者左右皆言大將軍主笑曰此出
吾家常騎從我柰何左右曰於今尊貴無比於是長
公主風白皇后皇后言之武帝乃詔青尚平陽主

侯所尚故
稱平陽主

林慮公主子昭平君尚武帝女夷安公主

芒侯彰跖孫申尚孝武南宮公主元朔六年申坐與

父御婢姦罪自殺國除

金日磾本匈奴休屠王太子

磾音丁奚切休音許助切屠音除

日磾

以父不降見殺與毋闕氏弟倫俱沒入官輸黃門養

馬時年十四矣久之武帝遊宴見馬

方於宴遊之時而召問諸馬

後宮滿側日磾等數十人牽馬過殿下莫不竊視至

日磾不敢磾長八尺二寸容貌甚嚴馬又肥好帝異

而問之具以本狀對帝奇焉即日賜湯以衣冠拜為

馬監遷侍中駙馬都尉光祿大夫日磾既親近未嘗

有過失

薛宣為特進封高陽侯妻死而宣帝女敬武長公主

寡居成帝令宣尚焉

後漢李通素與光武相約結定謀議更始使通持節

還鎮荊州通因娶光武女弟伯姬光武即位徵通為

衛尉伯姬封寧平公

御晨初娶光武娣元漢兵敗小長安元及三女皆遇

害元後追爵為新野君

竇穆融長子也尚內黃公主穆代叔父友為城門校

尉

竇勳稷子也尚泚陽公主

竇固融弟友之子也尚光武女涅陽公主為黃門侍

郎

梁松為太僕封廷陵鄉侯尚光武女舞陽公主義王

松純之子其傳云尚光武女舞陰公主又御訓傳舞陰公主子梁扈有罪訓與交通此云舞陽誤矣

韓光為駙馬都尉尚光武館陶公主紅天

郭橫况子也為長樂少府封陽安侯尚光武涓陽公

立禮

劉陰豐新陽侯就子也尚光武酈邑公主綬綬一作綬

馮柱勳子也為將作大匠封陽邑侯尚明帝獲嘉公

王姬

馮順勤子也為大鴻臚尚明帝平陽公主奴

耿襲弇弟舒之子也尚明帝陰慮公主迎迎一作延

鄧乾晨之子禹之孫也襲封高密侯尚明帝沁水公

王致

鄧蕃為侍中封昌安侯尚明帝平臯公主王小姬蕃禹

也

王度符子霸之孫也為黃門侍郎封鞅侯尚明帝浚

儀公主

仲來稜為黃門侍郎征羌侯褒之世子也尚明帝武

安公主惠

馮中為黃門侍郎尚章帝平邑公主王

賈建為侍中封即墨侯參子復之曾孫尚章帝臨穎

公主利

班始尚順帝姑陰城公主

耿良奔玄孫一名無禁位至侍中尚濮陽公主

來定為虎賁中郎將即歙曾孫歷之子也尚安帝妹

平氏公主

鄧褒禹之玄孫為少府尚舞陰公主

耿授奔之孫為河陽太守尚桓帝妹長杜公主

伏元湛五世孫為輔國將軍封不其侯尚順帝女陽

安公主華

魏夏侯惇子楙歷位侍中尚書安西鎮東將軍尚太

祖女清河公主楙在西時多畜伎妾公主與楙不和

何晏進之孫也晏母尹氏為大祖夫人晏長於宮省

尚文帝金鄉公主即晏同母妹

荀暉彘之長子嗣敬侯官至虎賁中郎將初文帝與

平原侯植並有擬論文帝崩禮事或及或卒暉又與

植善而與夏侯尚不穆文帝深恨暉暉早卒子魁靈

以外甥故猶寵待

蜀諸葛喬亮兄瑾之弟二子也亮以喬為己適子拜

駙馬都尉又亮子瞻年十七尚公主拜駙馬都尉

吳周循瑜之子大帝歲夫人生二女長曰魯班字大

虎次曰魯育字小虎循尚魯班循卒後配衛將軍全

琮

宋據為建義都尉黃龍元年遷都建業徵據尚公主

魯奇非左將軍封雲陽侯主後配劉纂 吳歷曰纂先尚大帝中女

早卒又以小虎為繼室

顧邵雍之長子博覽書傳好樂人倫風聲流聞遠近

稱之大帝妻以策女

朱治子紀大帝以策女妻之以較尉領兵

朱宣據孫也襲爵雲陽侯尚公主為驃騎將軍

陸景抗子也尚毗陵侯公主皓之適妹拜驃都尉

勝裔少有節操美儀容弱冠尚公主

晉任愷少有識量尚魏明帝女齊長公主

杜預尚武帝妹高陸公主起家拜尚書郎

衛宣司空瓘之第四子也武帝勅宣尚繁昌公主瓘

自以諸生之胄婚對徵素抗表固辭不許

王濟渾之子有當世名尚嘗山公主年二十起家拜

中書郎

華恒表孫也博學以清素為稱尚武帝女榮陽長公

主拜駙馬都尉

臣欽若等曰駙馬都尉漢武帝置掌駙馬駙副也非正駕事皆為副馬多

以宗室外戚為之至晉乃專拜尚公王者也

王粹濬之孫武帝詔粹尚潁川公主粹至拜潁川太

守盧湛清敏有理思好老莊善屬文選尚武帝女榮

陽公主拜駙馬都尉未成禮而公主卒

孫會秀之子年二十為射聲校尉尚惠帝女河東公

主會形貌短陋初與富室兒於城西牧馬百姓忽聞

其尚主莫不駭愕

王敦字處仲少有奇人之目尚武帝女襄城公主拜

駙馬都尉

傅宣祗子也尚弘農公主為御史中丞卒

羊賁舅子也尚明帝女南郡公主除秘書郎卒

荀羨崧之子年十五將南尋陽公主羨不欲連婚帝

室仍遠遣去監司追不已乃出尚主拜駙馬都尉

桓温字元子豪爽有風槩姿貌甚偉選尚南康長公

主拜駙馬都尉

王獻之字子敬起家州主簿秘書郎轉丞以選尚新

安公主

劉惔字真長尚明帝女廬陵公主

謝混少有才譽善屬文孝武帝爲晉陵公主求壻謂王珣曰王珣但如劉貞長王子敬便足如王處仲栢元子誠可才小富貴便豫人家事珣對曰謝混雖不及貞長不減子敬帝曰此便足混竟尚主

宋王姬父昶尚晉孝武帝女鄱陽公主偃尚高祖第二女吳興長公主

王藻位東陽太守尚文帝第六女臨川長公主英媛何瑀尚武帝少女豫章公主

謝緯述之第三子尚文帝第五女長城公主

趙倩尚武帝第四女海鹽公主

褚寂之叔度第二子爲著作佐郎尚文帝第六女瑯琊公主

徐達之羨之子也尚高祖長女會稽公主達之子湛之永初三年亦尚公主

徐喬之羨之子也爲竟陵王文學尚高祖第六女富

陽公主

徐孝嗣湛之孫也八歲襲爵枝江縣公孝武甚愛之詔尚帝女康樂公主

王僧綽弘弟曇首之子年十三文帝引見下拜便流涕哽噎帝亦悲不自勝襲封豫章縣侯尚文帝長女

東陽獻公主

江恁湛之子尚文帝第九女淮陽長公主拜駙馬都

尉

江敷恁之子恁為文帝所殺敷幼以戚屬召見孝武
謂謝莊曰此兒方當為名器少有美譽桂陽王休範
臨州避迎王簿不就尚孝武女臨汝公主拜駙馬都
尉南齊褚湛之仕宋尚高祖第七女始安哀公主拜
駙馬都尉著作郎哀公主薨復尚高祖第五女吳郡
宣公主湛之子淵復尚南郡公主姑姪二世相繼拜
駙馬都尉

何戢偃之子偃之被遇於武帝選戢尚山陰公主拜

駙馬都尉

徐演孝嗣長子尚武帝女武康公主

梁王志司空僧虔之子弱冠選尚孝武帝女安固公

主拜駙馬都尉

王亮父攸仕宋位大宰中郎亮以名家子宋未選尚

公主拜駙馬都尉秘書郎

王瑩光祿大夫懋之子選尚宋臨淮公主拜駙馬都

尉

何敬容以名家子弱冠選尚武帝女長城公主拜駙

馬都尉

謝覽肅弟濬之子也選尚錢唐公主拜駙馬都尉

王暕齊大尉儉之子年數歲而風神警拔弱冠選尚

淮南長公主拜駙馬都尉

殷均父叡為齊鎮北長史武帝與叡少舊故以女妻

均即永興公主也天監初拜駙馬都尉

謝謨齊吏部郎朏之子尚武帝女永世公主

王寔丹陽尹王榮少子尚武帝女安吉公主

王琳侍中份之子為南平王文學尚義興公主拜駙

馬都尉

王銓琳之子美風儀尚占鑿尚武帝女永嘉公主拜

駙馬都尉

王茂璋為給事黃門侍郎尚武帝妹新安公主

王溥銓之子尚簡文女餘姚公主

張希領軍纘之子選尚簡文第九女海鹽公主

張交侍中綰之子頗涉文學選尚簡文第十一女定

陽公主

袁憲簡文以憲貴遊公子尚帝女南沙公主

柳偃吳興太守暉之子年十一詔尚長城公主拜駙

馬都尉

梁蔡延壽侍中尚書令大寶之子有識博涉經籍尤善當世之務尚宣帝女宣城公主歷中書郎尚書右丞

王泛侍中錫之子少有令譽尚宣帝妹廬陵長公主歷秘書郎太子舍人宣城王友廬陵長史帝踐位授侍中吏部尚書

陳侯淨藏瑱之子尚世祖第二女富陽公主以公子除員外散騎嘗侍

錢藏為陳留太守尚高祖長女永世公主

柳盼偃之子尚文帝女富陽公主拜駙馬都尉

沈君理美風儀博涉有識鑒武帝鎮南徐州深見器

重命尚會稽長公主

蔡凝為太子舍人以名公選尚信義公主拜駙馬都

尉

到郁仲舉之子尚文帝妹信義公主郁官至中書侍

郎

後魏賀統始有勲於國尚平文女艾野于尚昭成女

遼西公主

穆觀大尉侍史崇之子明元時綰門下中書郎納詔命未嘗有所遺漏帝奇之尚宜陽公主拜駙馬都尉

穆壽觀之子少以父任選侍東宮尚樂陵公主拜駙馬都尉

穆平國壽之子襲爵尚城陽長公主拜駙馬都尉

穆正國平國之弟尚長樂公主拜駙馬都尉

穆伏于平國之子伏于襲爵尚濟北公主拜駙馬都尉

穆罷伏于之弟伏于卒無子罷襲爵尚新年長公主拜駙馬都尉

穆亮罷弟早有風度獻文時起家為侍御中散尚中山長公主拜駙馬都尉

穆紹亮之子孝文以其貴臣世胄顧念之九歲除貞外即侍學東宮轉大子舍人十一尚瑯琊長公主拜駙馬都尉

穆真大尉侍中崇之少子起家中散轉侍東宮尚長城公主拜駙馬都尉後勅離婚納文明太后姊尋除南部尚書

穆泰真之子孝文時以功臣子孫尚章武長公主拜駙馬都尉典羽獵四曹事賜爵馮翊侯

穆伯智泰之子八歲侍學東宮十歲拜太子洗馬散騎侍郎尚饒陽公主拜駙馬都尉

姚黃眉興之子明元年哀皇后之弟姚泓滅黃石開
來歸國帝厚禮待之賜爵隴西公尚陽翟公主拜駙
馬都尉賜隸戶三百

杜超字祖仁睿皇后之兄少有節操泰當中爲相州
別駕車使京師時以法禁不得與后通問始光中大
武思念舅氏以超爲陽平公尚南安長公主拜駙馬
都尉

李蓋中山人爲左將軍南郡公初太武姊武威長公
主故涼王沮渠收捷之妻平涼州頗以公主通密計
助之故寵遇差隆詔蓋尚焉

帝熙之明太后之兄爲冠軍將軍肥如侯尚恭宗女
博陵長公主拜駙馬都尉

萬振尚高陽長公主拜駙馬都尉遷散騎常侍寧西
將軍長安鎮將賜爵馮翊公

振子安國少明敏有姿貌以國甥復尚河南公主拜
駙馬都尉遷散騎常侍

陸昕之字慶始風望端雅尚獻文女常山公主拜駙
馬都尉

盧道裕字寧祖秘書監淵子少以學尚知名風儀兼
美尚獻文女樂浪長公主拜駙馬都尉太子舍人

薛拔獻文時除散騎常侍尚西河長公主拜駙馬都尉

盧道虔字慶祖秘書監淵子粗閑經史兼通美術尚孝文女濟南長公主

劉昶宋文帝之子前廢帝子業立昶懼禍奔魏尚武邑公主拜侍中征南將軍駙馬都尉封丹陽王歲餘

而公主薨更尚建興長公主又薨又尚平陽長公主劉承緒昶之子公主所生而疋疾尚孝文妹彭城長

公主為駙馬都尉馮誕熙之子與孝文同歲幼侍書學仍蒙親待尚帝

妹樂安長公主拜駙馬都尉侍中征西大將軍南平

王

馮穆誕之子尚孝文女順陽長公主拜駙馬都尉歷

負外通直散騎嘗侍

司馬楚之晉宣帝弟植八世孫晉末來奔尚河內公

王

司馬躍楚之子尚趙郡公主拜駙馬都尉

司馬肅豫州刺史悅之子尚宣城妹華陽公主拜駙

馬都尉特除負外散騎嘗侍

蕭寶明齊明帝之子齊亡來奔宣武禮之甚重尚南

陽長公主賜帛一千疋并給禮具

高肇文昭皇太后之兄為尚書左僕射冀州太中正

尚宣武姑高平公主遷尚書令

高猛肇兄琨之子尚宣武母妹長樂公主拜駙馬都

尉

王肅以尚書令輔政宣武詔肅尚陳留長公主

李彧侍中大傅延寔之子尚莊帝妹豐亭公主封東

平郡公位至侍中

蕭贇齊東昏侯寶卷之子建義初隨爾朱榮赴晉陽

莊帝徵贇還洛轉司徒遷太尉尚帝姊壽陽長公主

邢昕之風望端雅尚嘗山公主拜駙馬都尉

宿石為中壘將軍從元明帝獵帝欲親射虎石扣馬

諫引帝上原上後虎騰躍殺人詔石為忠臣切諫免

虎之害賜馬一疋尚上谷公主

劉輝尚蘭陵長公主

胡祥國珍子也尚清河王懌女長安縣主祥歷殿中

尚書中書監

北齊崔暹為太嘗御初文宣親作書與暹曰賢子達

筆甚有才學亡兄女樂安主魏帝外甥內外敬侍勝

朕諸妹思成大兄宿志乃以主降達挈

斛律武都金之孫也金爲大師文宣幸其第謂金曰
公元勳佐命父子忠誠朕當結以婚姻永爲藩衛乃
詔武都尚義寧公主

潘晃河東郡王樂之子諸將子弟率多驕縱晃沉密
謹慤以清靖自居尚公主拜駙馬都尉

段懿左丞相韶之長子有姿儀解音樂又善騎射天
保初尚穎川長公主累遷行臺右僕射兼殿中尚書
段深韶第二子美容貌寬謹有父風大寧二年詔尚
永昌公主未婚公主卒清河三年又詔尚東安公主
寶昂懿之子尚中山公主武平末遷儀同三司

司馬消難大尉子如之子尚高祖女以主婚貴公子
頗歷中書黃門郎光祿少卿

可朱渾天和尚東平長公主賜爵宜安鄉男文宣受
禪加駙馬都尉位開府儀同三司封成臯郡公
後周尉遲俊夔性寬裕有鑒識尚太祖妹昌樂大長
公主

宇文測太祖族子初仕魏爲司徒右長史安東將軍
尚宣武女陽平公主拜駙馬都尉

帝世康孝寬兄之子孝寬初仕魏爲驃騎大將軍長
子謹年方十歲魏文帝欲以女妻之寬辭以兄子世

康年長帝嘉之遂以妻世康

尉遲迴爲太祖大丞相帳內都督尚魏文帝女金明
公主拜駙馬都尉

李差字仲和幼有聲譽美容儀善談論涉獵群書尤
工騎射太祖召見奇之乃令尚義歸公主

史雄字世武大將軍寧之子少勇敢膂力過人便弓
馬有美略年十四從寧於牽毛山奉迎太祖仍從較
獵弓無虛發太祖歎異之尋尚太祖女永富公主除
使持節驃騎大將軍開府儀同三司

于翼字文若大師燕公謹之子美風儀有識度年十

一尚太祖女平原公主拜員外散騎常侍封安平縣
公

鄭譯武帝時爲左侍上士既喪妻帝命譯尚梁國公
主及帝親揔萬機授以御正下大夫

王褒美風儀善談笑博覽史傳尤工屬文梁武帝嘉
其才藝遂以弟鄱陽王恢之女妻之

李敏複之孫也初周宣帝女娥英其母隋文女樂平
公主也入隋開皇初爲娥英妙擇婚對勅貴公子弟
集弘聖宮者日以數百公主選取敏禮儀如尚帝女
後將侍宴公主謂敏曰我以天下與至尊唯一女夫

當為汝求柱國若授餘官慎無謝及進見帝親御琵琶遣敏歌舞帝大悅謂公主曰敏何官對曰一白丁耳謂敏今授儀同敏不答帝曰不滿爾意邪令受開府又不謝帝曰公主有大功於我何向其女婿惜官今授卿柱國敏乃拜而蹈舞遂於坐發詔柱國以李官宿衛

閻毗上柱國慶之子也歲襲封石保縣公及長儀貌於嚴頗好矜史受漢書於蕭該畧通大旨能篆書工草隸尤善畫為當時之妙武帝見而悅之命尚清都

公主

潛龍時見而悅之妻以桂陽公主及長有文武才幹好結交座客常滿接對忘疲弱冠得美名於京邑高祖於諸壻中特所親愛

楊師道隋末歸國武德元年至京詔授上儀同為備身左右選尚桂陽公主封安德縣公

公主先降趙景慈後降師道又

封長廣

公主

豆盧懷讓尚高祖女萬春公主

一云長沙公主封萬春

執失思力突厥之酋長也入朝尚高祖女九江公主

喬師望尚高祖女盧陵公主

蘇勗尚高祖女南康公主

楊思敬師道兄子尚高祖女安平公主

封言道倫之子尚高祖女淮南公主

竇奉節執之子尚高祖女房陵公主

後降賀蘭僧伽又封房陵

崔恭禮尚高祖女真定公主

阿史那社尔突厥處羅可汗子尚高祖女衡陽公主

薛萬徹尚高祖女丹陽公主

裴師律寂之子尚高祖女臨海公主

崔宣慶尚高祖女館陶公主

溫挺彥博次子尚高祖女定安公主

後降鄭敬玄

趙瓌尚高祖女長樂公主

隋李禮成初為周民部中大夫妻竇氏早沒知高祖

有非常之表遂甥高祖妹為繼室情契甚歡及高祖

為丞相進位上大將軍遷司武上大夫委以心膂

王奉孝為儀同尚高祖第五女蘭陵公主王美姿儀

性婉順好讀書帝於諸女中特所鍾愛奉孝卒適親

衛河東柳述初開皇中帝鼎尤善相術為上儀同時

公主寡帝為之求夫選述及蕭瑒等以示為鼎鼎曰

瑒當封侯而無貴妻之相述亦通顯而守位不終帝

曰位繇我耳遂以至降述

宇文靜禮文慶之子也初為太子千牛備身尋尚高

祖女廣平公主授儀同安德縣公

宇文士及封許國公尚煬帝長女南陽公主羨姿儀

有志節造次必以禮下降年十四以謹肅聞

竇抗雒州總管陳國公榮之子尚文帝女萬安公主

抗釋褐千牛備身儀同三司襲爵陳國公

唐馮少師尚高祖女長沙公主

竇誕抗第三子尚高子女襄陽公主

柴紹尚高祖第三女平陽公主

長孫孝政尚高祖女高密公主 後降 段編

趙景慈 番州總管納之子也幼有姿儀美風調高祖

武延暉尚中宗女新都公主

裴巽尚中宗女宜城公主

王同皎尚中宗女定安公主 後降 田父 又降 王銳

楊慎交恭仁之孫也尚中宗女長寧公主 後降 蘇 彦伯

常鐵尚中宗女永壽公主

武延基承嗣之子也尚中宗女永控公主

武崇訓承嗣從祖弟也尚中宗女安樂公主 後降 承 嗣第二

子延 季

常挺尚中宗女成安公主

崔真尚睿宗女淮陽公主

王承慶尚睿宗女淮陽公主

鄭萬均尚睿宗女代國公主

薛伯陽稷之子尚睿宗女涼國公主後降 溫義

裴守一尚睿宗女蔡國公主

薛敬尚睿宗女卽國公主後降 鄭 孝義

裴虛已尚睿宗女霍國公主

王瑤尚玄宗女永穆公主

裴去奢尚玄宗女嘗芬公主一云降 張去盈

薛談尚玄宗第六女嘗山公主後降 定謂

薛鏞尚玄第四女唐嘗公主

蕭銳宋國公瑀之子尚太宗女襄城公主

王敬直珪之少子尚太宗女南平公主後降 劉 玄意

竇達靜之子尚太宗女遂安公主後降 王 大禮

長孫冲無忌之子尚太宗女長樂公主

唐善識儉之子尚太宗女豫章公主

柴令武紹之子尚太宗女巴陵公主

史仁表尚太宗女普安公主

高履行儉之子尚太宗女東陽公主

周道務尚太宗女臨川公主

程處亮知節子也尚太宗女清河公主

帝思安尚太宗女晉安公主

後降楊仁恪

獨狐謹尚太宗女安康公主

長孫曄尚太宗女新興公主

杜荷如晦之子尚太宗女城陽公主

後降薛曜

房遺愛玄齡次子尚太宗女高陽公主

長孫詮尚太宗女新城公主

後降嘉正矩

權義尚太宗女義陽公主

王遂古尚高宗女高安公主

薛紹尚高宗少女鎮國太平公主後紹被誣誅死武

后乃殺武攸暨之妻以配主焉

張垆尚玄宗女寧親公主

又尚興信公主

肅衡中書令嵩少子尚玄宗女新昌公主嵩夫人賀

氏入觀拜席玄宗呼為親家母禮儀甚盛

裴惠章尚玄宗女高都公主

鄭潛曜尚玄宗女臨晉公主

豆盧連尚玄宗女建平公主

後降楊悅

源清尚玄宗女真陽公主

後降蘇震

獨孤明尚玄宗女信成公主

吳澄尚玄宗女壽春公主後入道封楚國公

竇鏐尚玄宗女昌樂公主

裴齊丘尚玄宗女永寧公主

溫西華尚玄宗女平昌公主 後降陽微 改封宋國

楊錡尚玄宗女太華公主

裴顛尚玄宗女興信公主 始降張垵次降顛又 降楊敷改封齊國

郭液尚玄宗女壽光公主

薛履謙尚玄宗女樂城公主 一云降 薛舍

裴瑜尚玄宗女新平公主 後降姜 慶初

程昌裔尚玄宗第二十六女廣寧公主 後降蘇恬一 云蘇克真

楊洞尚玄宗女咸宜公主 後降 崔高

楊拙國中之子尚玄宗第二十八女萬春公主拙以

父罪伏誅後降楊騎

盧謚尚肅宗第七女長樂公主 一云獨 孤

鄭巽尚肅宗女寧國公主 後降回紇可汗 三降薛康衡

柳潭尚肅宗女和政公主 一云 柳潭

裴清尚肅宗女太寧公主 一云適 張靖

鄭沛尚肅宗女宜寧公主 一云適 獨孤

王詮尚肅宗女永和公主

裴徽尚肅宗女延光公主 後降肅升 封郟國

裴傲尚代宗女永清公主命有司於光順門行冊禮

郭暖尚父子也尚代宗女昇平公主命有司於光順

門行冊禮

田華為檢較比部郎中尚代宗女永樂公主華郎悅從父兄也帝以先朝許華婚不敢以悅故而違罷

裴液為太嘗卿尚代宗女晉陽公主 一云裴隨

柳果為秘書少監尚代宗女義清公主

竇克良為光祿少卿尚代宗女壽昌公主

沈羽為贊善大夫授衛尉少卿同正尚代宗女長林

公主

王贊為同州朝邑尉授光祿少卿同正尚代宗女

都公主 後降田華

張昭以前太子通事舍人授衛尉少卿同正駙馬都

尉尚代宗女寧晉公主

高怡尚代宗女嘉豐公主

田緒尚代宗女嘉誠公主 初封武清公主

吳士廣尚代宗安武晉寧公主

張茂宗安武軍節度孝忠子以秘書郎授光祿少卿

駙馬都尉尚德宗女義章公主孝忠令其妻鄧國夫

人谷氏來覲且就禮帝嘉之賞資甚厚 一云義興公主

王士平為秘書少監尚德宗女義陽公主士平武俊

之子也帝慎重其事先特令宰相訪儒者禮官叅定

其見舅姑之禮又以武侯左鎮仍定公主遣使之儀
抑昱為舒王府司馬授殿中少監同正駙馬都尉尚
德宗女宜都公主

薛釗以前興平縣尉授秘書少監同正駙馬都尉尚
德宗第六女臨真公主

崔諲以前涇陽縣尉授簡較殿中少監駙馬都尉尚
德宗女永陽公主

郭縱穆宗之叔舅汾陽王孫也順宗居東宮長女德
陽郡王為德宗所鍾念是時縱母昇平長公主恩禮
隆厚又異諸主故選縱以德陽降焉皆未及笄冠之

歲主後進號是為漢陽公主

鄭何尚順宗女普安公主

崔杞尚順宗女東陽公主

沈翬尚順宗女西河公主

劉士涇尚順宗女雲安公主

張克禮尚順宗女襄陽公主

王承系尚順宗女臨汝公主

于季安頓之子尚憲宗女普寧公主

蕭讓尚憲宗女汾陽公主

沈議尚憲宗女宣城公主

沈汾尚憲宗女南康公主

劉弘景尚憲宗女永順公主

劉異尚憲宗女安平公主

裴模爲太子舍人授銀青光祿大夫太子諭德駙馬都尉尚憲宗女陳留公主

杜悰爲太子司議郎授銀青光祿大夫行殿中少監駙馬都尉尚憲宗女岐陽公主悰故司徒佑之孫岐陽帝長女正妃之出舊制選尚多於貴戚或武臣節將之子于時獨孤郁爲翰林學士未幾屬權德輿入相郁以德輿子壻親嫌請出帝意重學士不得已許

之出脩史且歎德輿之有良壻遂命宰臣於卿士家選駙馬文雅名士居清列者初於文學後進間選擇皆稱疾不願次及貴胄悰遂應選

杜中立授銀青光祿大夫簡校光祿少卿駙馬都尉尚憲宗女真源長公主

王元逵爲成德軍節度使尚憲宗女壽安公主元逵遺姑段氏進食一千盤并進御衣鞍馬及公主衣資粧奩私其身女口等令中使宣授召王氏諸親對訖賜食并錦綵銀器有差

衛洙尚憲宗女臨真公主簡較秘書少監駙馬都尉

尋除左拾遺先是帝詔宰臣於名家以文學進身者
擇都尉故特越舊制授洙諫官以寵之

薛翊為著作佐郎尚憲宗女真寧公主授銀青光祿
大夫簡較秘書少監駙馬都尉

郭仲詞為太子舍人尚穆宗女饒陽公主授銀青光
祿大夫簡較殿中少監駙馬都尉 一云郭仲家

郭仲恭為詹事府丞尚穆宗女金堂公主授銀青光
祿大夫簡較衛尉少卿駙馬都尉 公主初封晉陵

韋處仁尚穆宗女義豐公主

柳正元尚穆宗女淮陽公主

竇幹尚穆宗女延安公主

常保衡為右拾遺尚懿宗女同昌公主授銀青光祿

大夫起居郎駙馬都尉出降之日禮儀甚盛

鄭顥尚宣宗女萬壽公主

于琮休烈之孫尚宣安廣德公主

梁羅廷規紹威長子尚太祖長女安陽公主授司農

卿駙馬都尉又尚金華公主

趙巖忠武軍節度讎之子尚太祖女長樂公主

王昭祚尚太祖女普安公主

後唐孟知祥自幼溫厚知書樂善武皇深器之以其

弟克讓之女妻之明宗即位封瓊華公主

石高祖微時唐明宗時為伐州刺史每深心器之妻

以愛女則武憲曹后之生也明宗既即位封永寧公

主清泰中高祖鎮太原既封晉國長公主

杜仲威父堆金後唐武皇先鋒使也重威少事唐明

宗高祖妻以妹累封宋國大長公主

任圍父茂弘避地太原奏授西河令有子五人曰圖

曰圜團圜風彩俱異武皇愛之以宗女妻團歷代憲

二郡刺史

張某尚武皇女瑤英長公主

臣欽若等曰
史失其名

趙延壽尚明宗女興平公主

晉楊承祚光遠子也尚高祖長女長安公主

羅周敬初在梁為許州節度使微授秘書中監駙馬

都尉尚普安公主

冊府元龜

册府元龜

淮南李嗣京參闕

西極文翔鳳訂正

豫章黃國琦較釋

外戚部

封拜

夫正位居體周官貴內治之教綏族展親良史稱外助之義三代已降后妃之家或藉長樂之親或因椒房之寵重侯累爵席寵連封或一門三主或同族五侯分食名城預聞邦政車服之制名器之重寢或踰

馬西京呂王之勢東都梁竇之權不反三隅回歸一貫俾上微不當之畿下免無功之誚惟明聖能焉

申伯周宣王元舅也為邑於謝因是故謝邑之人而為國也

紀侯者周桓王納后於紀紀季子爵故先襄為侯

漢呂公高帝元年以后父賜號臨泗侯

呂澤以后兄封周呂侯

呂釋之以后兄封建成侯

呂則以孝惠二年嗣建成侯

呂台嗣周呂侯澤以高祖九年更封為郟侯高后元

年為呂王

呂嘉以高后三年嗣台為王

呂通嘉弟高后六年封腫侯八年為燕王

呂屯匹侯切通弟以高后八年封東平侯

呂產台弟以高后元年封汶侯六年為呂王七年為

梁王

呂種建成侯則弟以高后元年封奉呂宣國王七年

更封不其侯

呂祿種弟高后元年封漢陽侯八年為趙王

呂平以惠帝皇太后姊長姁子元年四月丙寅封扶

郟侯

呂勝以皇太后昆弟子七年封贊其侯

呂忿以皇太后昆弟子八年封呂成侯

呂營以皇太后昆弟子八年封祝茲侯

薄昭薄太后弟文帝舅也元年封軹侯

駟鈞以齊王舅封鄒侯

趙兼以淮南王舅封周陽侯

竇廣國以景帝皇太后弟封章武侯

賈彭祖以皇太后兄子封南皮侯

賈嬰以皇太后昆弟子以破吳楚封魏其侯

王信以景帝皇后兄封蓋侯

田蚡以武帝皇太后同母弟封武安侯

田勝以皇太后同母弟封周陽侯

衛青以武帝衛皇后弟封長平侯青三子在襁褓中

皆為列侯 仇為宜春侯不疑為陰安侯登為發干侯

霍去病以衛皇后姊子亦以軍功為冠軍侯

李廣利武帝李夫人之兄夫人蚤卒帝以廣利為貳

師將軍延年為協力都尉

上官安以昭帝皇后父為驃騎將軍封桑樂侯

許廣漢以宣帝皇太子外祖父封昌成君霍氏誅許

后子立為皇太子乃封平恩侯

王無故以宣帝舅為關內侯封平昌侯

王武以帝舅為關內侯封昌樂侯

王奉光以皇后父為關內侯封印成侯

王舜以皇太后兄為侍中中郎將封安平侯

史高以悼皇考舅子侍中關內侯封樂陵侯

史曾以悼皇考舅為侍中中郎將關內侯封將陵侯

史玄以悼皇考舅子侍中中郎將關內侯封平臺侯

許舜以皇太子外祖父同產弟長樂衛尉封博望侯

許延壽以皇太子外祖父同產弟侍中關內侯封樂

成侯

王禁以元帝皇后父封陽平侯

王崇以成帝皇太后母弟散騎光祿大夫關內侯封

安成侯

王譚以皇太后弟關內侯封平阿侯

王商以皇太后弟關內侯封成都侯

王立以皇太后弟關內侯封紅陽侯

王根以皇太后弟關內侯封曲陽侯

王逢時以皇太后弟關內侯封高平侯

王莽以帝舅曼子封新都侯

王莽為勃聲較尉父之叔父城都侯高上書願

分邑以封莽反長樂少府戴崇侍中金淡胡騎較尉箕闞上谷都尉陽並中郎疎湯皆當世名臣咸為莽

言帝自是賢莽永始元年封莽為新都侯國南陽新野之都鄉千五百戶

王音以皇太后從弟為大司馬車騎將軍錄尚書事
 音既以從舅越親用事小心親職詔曰車騎將軍音
 宿衛忠正勤勞國家前為御史大夫以外親宜典兵
 馬入為將軍不獲宰相之封朕甚謙焉其封音為安
 陽侯食邑與五侯等俱三千戶
 趙臨以婕妤趙氏父封為陽城侯
 王欽以皇太后弟封新城侯
 淳于長以侍中衛尉封定陵侯
 馮參以中山王舅封宜鄉侯

丁明以哀帝舅封陽安侯
 傅晏以皇后父封孔鄉侯
 丁滿以帝舅封平周侯
 傅喜以帝祖母皇太后從父弟大司馬封高武侯
 傅商以皇太后從父弟封汝昌侯
 鄭業以皇太后同母弟子封陽新侯
 衛寶平帝之舅平帝為成帝後賜寶之弟玄爵關內
 侯
 後漢樊宏光武之舅建武五年封長羅侯十三年封
 弟丹為射陽侯兄子尋立鄉侯族兄忠更父侯并五

年定封宏壽張侯宏卒子儵嗣又封宏少子茂為平望侯樊氏侯者凡五國

鄧晨娶光武姊元光武即位封晨房子侯帝又感悼

元没於亂兵追封晨長子汎為吳房侯以奉公室之

祀

郭况光武郭后之弟小心謹慎年始十六拜黃門侍

郎封綿蠻侯后廢為中山太后進封况大國為楊安

侯

陽安縣屬汝南郡故城今豫州郎山縣故道國城是也

后從况竟以騎都尉

從征伐有功封為新郟侯官至東海相

新郟縣屬汝南郡故城今

在潁州汝陰縣西北郟

竟弟正為發干侯

發干縣屬東郡濮陽城

在今博州堂邑縣西南

官至太中大夫后叔父梁早終無子其

壻南陽陳茂以恩澤封南蠻侯

蠻音力全切

竟子嵩孫駿

並坐楚王英事失國章帝建初中紹封嵩子勤伊亭

侯駿觀都侯

陰識光烈皇后之兄更始二年更始封識陰德侯建

武二年光武以后為貴人遣使迎貴人於新野并徵

識識隨貴人至以為騎都尉更封陰鄉侯十五年定

封原鹿侯

許昌楚王英舅子英明帝之弟帝為太子時英常獨

歸附太子太子特親愛之及即位數受賞賜特封昌

龍舒侯

秦彭同產女弟永平中入宮掖庭為貴人有寵彭以貴人兄隨四姓小侯擢為開陽城門侯

馬廖明德皇后兄也章帝即位欲封諸舅明德馬太后不聽建初四年天下豐稔方睡無事帝遂封三舅廖防光為列侯並辭讓願就關內侯太后聞之曰聖人設教各有其方知人情性莫能齊也吾少壯時但慕竹帛志不顧命今雖已老而復戒之在得故日夜惕厲思自降損居不求安食不念飽與乘此道不負先帝所以化導兄弟共同斯志欲令瞑目之日無所

復恨何意老志復不從哉萬年之日長恨矣廖等不

得已受封爵而退位歸第

又云有司連據舊典奏封廖等累讓不得已建初四

年廖封順陽侯防封穎陽侯光封許侯俱以特進就事永光四年廖卒子遵嗣徙封程鄉侯無子國除元初三年鄧太后詔封廖孫度穎陽侯防後徙封翟鄉侯永初七年詔封光子明郎鄉侯

陰棠梁王暢舅陰貴人之族章帝建初二年封西陵

侯

竇憲章帝建初二年女弟立為皇后拜憲為郎稍遷

侍中虎賁中郎將弟篤黃門侍郎兄弟親幸並侍官

省和帝即位太后臨朝會南單于請兵北伐拜憲車

騎將軍金印紫綬督兵出塞大破北單于詔使中郎

將卽五原拜憲大將軍封武陽侯邑二萬戶憲因辭封許之明年詔曰大將軍憲前歲出征克滅北狄朝加封賞固讓不受舅氏舊典並蒙爵土西漢故事帝舅皆封侯其封憲冠軍侯邑二萬戶篤郎侯景汝陽侯瓌夏陽侯各六千戶憲獨不受封

鄧騭女弟為和帝貴人兄弟皆除郎中貴人立為皇后騭三遷虎賁中郎將京惺弘閭皆黃門侍郎京卒於官延平元年拜騭車騎將軍儀同三司惺虎賁中郎將弘皆侍中安帝永初元年封騭上蔡侯惺葉侯弘西平侯閭西華侯食邑各萬戶侯騭以定策功增邑三

千戶騭等辭遂逃避使者問關詣闕陳乞太后不聽騭頰上疏至六乃許之弘以治歐陽尚書授帝禁中病卒詔鴻臚持節卽弘殯封子廣德為西平侯後以帝師之重分西平之都鄉封廣德弟甫德為都鄉侯四年又封京子黃門侍郎珍為安陽侯五年惺閭相繼並卒遺言薄葬不受爵贈太后並從之乃封惺子廣宗為葉侯閭子忠西為華侯建光元年太后崩未及大斂帝復申前命封騭為上蔡侯位特進後禹曾孫香子女為桓帝后帝又詔封騭從弟故度遼將軍遵子萬世南鄉侯拜河南尹

閻暢爲侍中安帝元初元年帝選其女入掖庭二年立爲皇后三年暢以父后爲長水校尉封北春侯食邑四千戶暢卒子顯嗣及安帝親政事顯及弟景耀晏並爲鄉較典禁兵延光元年更封顯長社縣侯食邑三千五百戶顯景諸子年皆童齒並爲黃門侍郎梁竦有三男三女章帝納其二女皆爲貴人生和帝竇皇后養以爲子竇氏譖殺二貴人而竦死獄中家徙九真竇憲敗還竦妻子封子崇樂平侯弟雍乘氏侯翟單父侯邑各五千戶諸梁內外以親疎補卽謁者崇官至大鴻臚雍少府

宋楊女爲章帝貴人安帝之祖母安帝卽位封楊女子皆爲列侯食邑各五千戶宋氏爲鄉較侍中大夫謁者卽吏十餘人孝德后異母弟次及達生人諸子九人皆爲清河國卽中

梁商少以外戚拜卽中順帝永建元年襲父雍封乘氏侯三年順帝選商女及妹入掖庭遷侍中屯騎校尉陽嘉元年女立爲皇后妹爲貴人加商位持進更增國土二年封子冀爲襄邑侯商讓不受三年以商爲大將軍固稱疾不起使太嘗桓焉奉策就第卽拜乃起詣闕受命商薨子冀嗣及商葬拜冀大將軍弟

册府元龜 卷之三十一
侍中不疑河南尹桓帝立建和元年益封冀一萬三千戶又封不疑弟蒙西平侯冀子裔襄邑侯各萬戶和平元年重增封冀萬戶并前所襲合三萬戶永興二年又封不疑子馬穎陰侯裔子桃誠父侯鄧香女桓帝永興中入掖庭爲采女明年封兄鄧演爲南頓侯位特進演薨子康嗣及后爲皇后乃追封贈香車騎將軍安陽侯更封康泚陽侯弟統襲母昆陽君宣封昆陽侯統從兄會襲安陽侯統弟秉涑陽侯宗族皆列郎將
寶武長女桓帝時選入掖庭桓帝以爲貴人拜武郎

中其冬貴人立爲皇后遷越騎校尉封槐里侯後從武興太后定策立靈帝拜武大將軍靈帝立論定策功更封武爲聞喜侯子機涑陽拜侍中兄子紹鄴侯遷步兵校尉紹弟靖西鄉侯爲侍中監羽林左騎
宋酈女靈帝建寧三年選入掖庭爲貴人明年立爲皇后父酈執金吾封不其鄉侯
何進異母女弟靈帝時選入掖庭爲貴人有寵於帝拜進郎中再遷潁川太守光和二年貴人立爲皇后徵進入拜侍中將作大匠河南尹中平元年進以發張角別黨馬元義謀封慎侯弟河南尹苗以破滎陽

群賊功封濟陽侯

魏下乘武宣后弟初以功封都鄉侯黃初七年進封
開陽侯邑千二百戶爲昭烈將軍乘卒蘭嗣蘭卒分
乘爵封蘭弟琳烈侯蘭子隆女爲高貴鄉公右隆以
后父爲光祿大夫位特進封睢陽鄉侯

甄逸女文帝納之於鄴明帝太和元年二月以中山
魏昌之安城鄉戶千追封逸謚曰敬侯適孫像襲爵
爲射聲較尉青龍中薨改封魏昌縣謚曰貞侯子暢
嗣又封暢弟溫韓豔爲列侯又封后從兄子毅及豫
弟三人皆爲列侯嘉平中復封暢子二人爲列侯

郭表文德皇后蚤喪兄弟以從兄表繼父永後后立
表爲奉車都尉明帝太和四年詔封表安陽亭侯又
進爵良鄉侯增邑并前五百戶以表子詳爲騎都尉
後明帝進表爵爲觀津侯增戶五百并前千戶遷詳
爲駙馬都尉表卒詳嗣又分表爵封詳弟述爲列侯
毛嘉女黃初中選入東宮明帝太和中立爲后父嘉
拜騎都尉后弟曾郎中又進嘉奉車都尉曾騎都尉
頃之封嘉博平鄉侯後又加嘉位特進曾散騎侍郎
郭立兄女明元郭后明帝卽位拜爲夫人以立爲騎
都尉從父芝爲虎賁中郎將齊王卽位尊爲皇太后

追封父滿西都定侯以立子建紹其爵封芝遷散騎
嘗侍長水較尉立宣德將軍皆封列侯建兄德出養

甄氏德及建俱為鎮護將軍皆封列侯並掌宿衛

魏

又云諸郭之中芝最壯
直亮時自以功封侯

張緝為東莞太守齊王芳嘉平中女為皇后徵拜光

祿大夫位特進

蜀吳壹先王定益州聘壹妹章武元年立為皇后壹

官至車騎將軍封縣侯

吳吳景孫堅吳夫人兄嘗隨堅征伐有功拜騎都尉

孫策以為丹陽太守揚武將軍景卒官子奮授兵為

將封新亭侯

謝承大帝謝夫人弟夫人卒後十餘年拜五官郎中

稍遷至武陵太守

王廬九女為孫權夫人生孫和和子皓立封其三弟

皆列侯

王文雍大帝王夫人同母弟夫人生景帝景帝即位

王氏無後封文雍亭侯

譚紹大帝潘夫人姊婿孫亮即位以為騎都尉

全尚女為孫亮夫人為嗣以尚為城門較尉都亭侯

代滕喬為太嘗衛將軍進封永平侯錄尚書事時全

氏侯者五人並典兵馬

何遂女為孫和姬和子皓立尊為皇太后封其弟洪

永平侯蔣漂陽侯植宣城侯洪子邈為武陵監軍

滕牧女為孫皓夫人皓即位封牧商密侯拜衛將軍

錄尚書事

晉羊琇景獻羊后之從父弟少與武帝甚深親狎帝

即位擢琇左衛將軍封甘露亭侯

王愷文明后弟少有才力歷位清顯雖無細行有在

公之稱以討楊駿勲封山都縣公邑千八百戶遷龍

驤將軍加散騎常侍

王虔字恭祖文明后弟以功幹見稱累遷衛尉封崇

壽亭侯拜平東將軍假節監青州諸軍事徵為光祿

勲轉尚書卒

楊駿武悼楊后之父歷驍騎鎮軍二府司馬後以后

父超居重位自鎮軍將軍遷車騎將軍封臨晉侯識

者議之曰夫封建諸侯所以藩屏王室后妃所以供

柔盛弘內教后父始封而以臨晉為侯兆以亂矣駿

後惠帝永寧初詔曰舅氏失道宗族隕墜渭陽之思

孔懷感傷其以慕亭侯楊超為奉朝請騎都尉以慰

蓼莪之思焉

賈謐韓壽之子賈充養以爲嗣謐繼佐命之後又賈后專恣歷位散騎嘗侍後軍將軍充妻廣成君卒去職喪未終起爲秘書監掌國史尋轉侍中領秘書監如故謐侍從惠帝幸宣武觀較獵諷尚書於會中召謐受拜誠左右勿使人知於是衆疑其有異志賈模充之從子預誅楊駿封平陽鄉侯賈后旣預朝政欲委信親黨拜模散騎常侍二日擢爲侍中郭彰賈后之從兄賈充妻待彰若同生歷散騎嘗侍尚書衛將軍封冠軍侯羊玄之以惠皇后父初爲尚書郎以后父拜光祿大夫

特進爵爲公

虞豫子胤元敬后弟初拜散騎嘗侍遷步兵校尉建寧末追贈豫官以胤襲爵平山侯

庾亮明穆皇后之兄也明帝卽位以爲中書監及王敦舉兵加亮左衛將軍與諸將距錢鳳及沈充之走吳興也又假亮節都督東征諸軍事追充事平以功封永昌縣開國公

褚裒康獻皇后父豫章太守康帝立徵拜侍中遷尚書以后父求出累爲左將軍都督兗州徐州之琅琊軍事假節鎮金城康獻皇后臨朝有司以裒皇太后

冊用元龜封井
父議加不臣之禮拜侍中衛將軍錄尚書事持節都督如故

王蘊孝武定后之父爲晉陵太守定后立以后父遷光祿大夫領五兵尚書本州大中正封建昌縣侯蘊固辭乃授都督京口諸軍事左將軍徐州刺史假節宋路興之文帝路淑媛之父孝武卽位尊淑媛爲皇太后大明四年太后弟子瓊之及弟休之茂之並居顯職廢帝景和中以休之爲黃門侍郎茂之左軍將軍並封開國侯邑千戶明帝廢幼主欲悅太后之心乃下令以休之爲黃門侍郎領步兵較尉茂之爲中

書侍郎是時明帝未卽位故稱令
王儷孝武文穆皇后之父文帝元嘉末爲散騎嘗侍右衛將軍孝武卽位以后父授光祿大夫領茂陽王師嘗侍如故

梁王錫份之孫以戚屬封永安侯
後魏賀訥道武帝之舅從道武平中原拜安遠將軍以元舅甚見尊重

賀盧者訥之弟也亦從道武平中原以功賜爵遼西侯

劉羅臣宣穆皇后之兄也從道武平中原以前後勳

賜爵永安公

姚黃眉明元昭哀皇后之弟也黃眉本後秦姚興之子及姚泓滅黃眉間來歸國明元厚禮待之賜爵隴西公

杜超密皇后之兄太武始光中思念舅氏以超爲陽平公神麈三年以超行征南大將軍太宰進爵爲王杜道生者超之長子也賜爵城陽侯後爲秦州刺史進爵河東公

杜鳳凰者道生之弟也襲父超爵加侍中特進

杜遺者超之從弟也超薨復授遺侍中安南將軍相

州刺史入爲內都官進爵廣平王

杜元寶者遺之長子也位爲司空進爵京兆王

賀遜太武敬哀皇后之從父也皇后生景穆初后少

孤父兄近親唯遜故蒙賜爵長卿子

閻毘恭皇后之兄皇后生文成太安二年以毘爲平

北將軍賜爵河東公弟紇爲寧北將軍零陵公其年

並加侍中進爵爲王毘征東將軍評錄尚書事紇征

西將軍中都大官自餘子弟賜爵爲王者二人公五

人侯六人子三人同時受拜所以崇隆舅氏

閻英者恭皇后前兄興安二年爲散騎嘗侍鎮軍大

將軍遼西公弟喜鎮軍大將軍帶方公太安初英爲侍中征東大將軍太宰進爵爲王喜左光祿大夫改封燕郡從兄泰爲安東將軍朝鮮侯

馮熙文明太后之兄熙祖北燕始熙生於長安主先入掖庭爲太武左昭儀妹爲文成皇帝后卽文明太后也使人訪知熙所在徵赴京師拜冠軍將軍賜爵肥如侯尋進爵昌黎王獻文卽位爲太傅累拜內都大官孝文卽位文明太后臨朝帝承旨以熙爲侍中太師中書監領秘書事後以例降封京兆郡公熙子誕與孝文同歲幼侍書學仍蒙親待拜征西大將軍

南平王侍中誕弟修侍中鎮北大將軍尚書東平公後罷庶姓王誕爲侍中都督中外諸軍中軍將軍特進改封長樂郡公誕拜官孝文立於庭遙受其拜既訖還室脩降爲侯十六年以誕爲司徒帝旣愛誕拜除官日親爲制三讓表并啓將拜又爲其謝章尋加車騎大將軍太子太師誕長子穆初襲熙爵避皇子愉封改封扶風郡公修弟津與孝文廢后同產兄位黃門侍郎信都伯津同產弟風幼養於宮文明太后特加愛念勅歲賜爵至北平王拜太子中庶子出入禁闈孝文親政後恩寵稍衰降爵爲侯

李峻字珍之梁國蒙縣人元皇后兄也父方叔宋文帝時爲濟陰太守文成遣間使喻之峻與五弟誕疑雅白水等前後歸京師拜峻鎮西將軍涇州刺史雅疑誕等皆封公後進峻爵爲王

李惠獻文思后之父也歷位散騎嘗侍征西大將軍秦益州刺史進爵爲王

李道念惠從弟鳳之弟孝文太和十二年將爵舅氏詔訪存者而惠諸從以再罹孥戮難於應命唯道念敢先詣闕乃申后妹及鳳兄弟子女之存者於是賜鳳子安祖浮陽侯興祖安喜侯道念貞定侯從弟寄

生高邑子皆加將軍後例降爵安祖等改侯爲伯並去軍號興祖累遷燕州刺史卒以兄安祖子侃踰爲後襲先封南郡王後以庶姓罷封改封博陵郡公

高肇文昭皇太后之兄也文昭皇后生宣武詔封父颺嫡孫猛渤海公肇平原郡公肇弟顯澄城郡公三人同日受封始宣武未與舅氏相接特拜爵及賜衣幘引見肇顯于華林都亭皆甚惶懼舉動失儀數日之間富貴赫奕未幾肇爲尚書左僕射冀州大中正尚宣武姑高平公主遷尚書令

于勁字鍾葵宣武納其女爲后封太原郡公

于勁武畧以功

臣子又以功績位沃野鎮將賜爵宣昌子拜征虜將軍帝納其女為后封大原郡公

胡國珍字世玉其女以選入掖庭生孝明即靈太后也孝明帝踐祚以國珍為光祿大夫靈太后臨朝加侍中封安定郡公尚書任城王澄奏安定公宜出入禁中叅諮大務詔令入决萬機尋進位中書監儀同三司侍中復加使持節都督雍州刺史驃騎大將軍開府靈太后以國珍年老不欲令其在外且欲示以方面之榮竟不得遷司徒公侍中如故就家拜焉李延晏僕射冲之長子孝莊即位以元舅之尊超授侍中太保封濮陽郡王

北齊婁昭武明皇后之母弟也昭之次子定遠少歷顯職外戚中偏為武城愛狎封臨淮郡王

婁徽昭之兄子無他器幹以外戚貴幸為瀛州刺史

孝昭皇建初封東海郡王武成太寧初進位司空

胡長仁武城皇后長兄以內戚歷位尚書封臨淮郡

王左僕射尚書令及武成即位預叅朝政封隴東郡

王胡君璧者長仁子也後主納長仁女為后君璧襲爵

隴東王君璧弟君璋及長仁弟長雍等前後七人並

賜爵

楊騰文帝之舅也文帝卽位爲開府儀同三司

乙弗繪文帝皇后之兄帝卽位爲開府儀同三司侍

中監魏昌縣公又爲吏部尚書

斛律光爲左衛將軍先是武成納光第二女爲太子

妃後主天統元年拜爲皇后其年光轉大將軍

後周陳山提宣帝皇后之父也山提自大將軍爲上

柱國封鄆國公

元晟元皇后之父也晟自開府爲上柱國封翼國公

隋呂宋文帝之舅子襲爵齊郡公

獨孤陁字黎耶獻皇后之弟也高祖受禪拜上開府

右領軍衛將軍

蕭瑯煬帝蕭后之兄也以外戚擢爲尚衣奉御

蕭琮賜爵莒國公煬帝以皇后之故甚見親厚拜內

史令改封梁公

唐獨孤懷恩元貞皇后弟之子也懷恩幼時以獻皇

后之姪養於宮中後任爲鄆縣令高祖平京城授長

安令及受禪擢拜工部侍郎

竇德明太穆順聖皇后兄之孫也武德初拜考功郎

中從太宗擊王世充頗有戰功封顯武男

長孫敞太宗文德皇后之叔父也從平京城以功除

將作少監出爲杞州刺史貞觀初坐賊免尋拜宗正卿及致仕加金紫光祿大夫封平原郡公

長孫操敞之從父弟也貞觀中歷洛州刺史益揚二州都督府長史高宗永徽初加金紫光祿大夫賜爵樂壽男

武承嗣則天皇后兄子也初后父士彘娶相里氏生元慶元爽則天立爲皇后以元慶爲宗正少卿元爽爲殿中少監中宗嗣聖元年以承嗣爲禮部尚書尋除太嘗卿同中書門下三品則天垂拱中轉春官尚書依舊知政事載初元年代蘇良嗣爲文昌左相同

鳳閣鸞臺三品兼知內史事天授元年於東都創置武氏七廟於是封承嗣爲魏王元慶子夏官尚書三思爲梁王后從父兄子納言攸寧爲建昌王太子通事舍人攸歸爲九江王司禮卿重規爲高平王左衛親府史郎將戴德爲潁州王右衛將軍攸暨爲千乘王司農卿懿宗爲河內王左千牛中郎將嗣宗爲臨川王左衛勳二府中郎將攸宜爲建安王尚乘直長攸望爲會稽王太子通事舍人攸緒爲安平王攸止爲嘗安王又封承嗣男延基爲南陽王延秀爲淮陽王三思男崇烈爲新安王后兄子承業男延暉爲嗣

陳王延祚為威安王

韋温中宗韋后之從父兄也神龍中累遷禮部尚書

封魯國公弟滑左羽林大將軍封衛國公

竇希城者睿宗竇后之族也玄宗先天二年九月戊

寅以光祿幽國公希城將作少府希球衛尉少卿希

瓘各食實封二百戶以舅氏特寵之也

吳湊章敬皇后之弟也肅宗上元中授湊襄城尉寶

應二年始封拜外戚授皇后叔前宣城令吳令瑤為

開府儀同三司太子家令封濮陽郡公郎將令瑜為

開府儀同三司太子左諭德濟陽郡公皇后弟盛王

府錄事參軍淑為開府儀同三司鴻臚少卿左清

率同正澄為開府儀同三司太子賓客襄城尉湊為

開府儀同三司太子詹事並封濮陽郡公

沈房者代宗沈后之族子也后無近屬唯房為近德

宗命為金吾將軍主沈氏之祀

獨孤卓者貞懿皇后之叔也大曆初后寵遇無雙以

恩澤官其宗屬卓自太嘗少卿為少府監及后兄良

佐為太子中允

土果者德宗昭德皇后父楊州大都督遇之子也果

為眉州司馬甥姪拜官者二十餘人

郭釗憲宗懿安皇后兄元和十五年三月制以簡較
戶部尚書兼司農卿遷爲刑部尚書兼司農卿及右
金吾大將軍縱加簡較工部尚書

郭鈺者穆宗之季舅也長慶二年十月以殿中監遷
爲太子詹事充閑廐宮苑使

蕭洪以帝舅簡較太子賓客長慶二年十月遷太子
洗馬

梁張歸霸者末帝德妃之父也歸霸子漢傑漢倫漢
融皆以外戚之故咸居大任掌大權

後唐王萬榮者明宗淑妃之父也長興四年九月自

領青光祿大夫簡較司空領韶州刺史又加檢校司

徒使持節華州諸軍事華州刺史充鎮國軍節度使
華商等州觀察處置等使

漢李洪建太后母弟也事高祖爲牙將高祖卽位累
歷軍較遙領防禦使史弘肇等被誅以洪建爲權侍
衛馬步軍都虞侯

張彥成潞州潞城人初隱帝娶其女特見親愛從平
汴雒累加特進簡較太尉同州節度使隱帝卽位就
加同平章事

